

# Carta Que Dicjin Pablo Para Ixin Chojni Que Ditticaon Jesucristo Ngain Ciudad De Colosas

*Pablo rroanhajoajna jih i ngain chojni de ciudad  
de Colosas*

<sup>1</sup> Janha Pablo na, Dios joinao que janha rrihi ná representanté Jesucristo. Conixin Timoteo,

<sup>2</sup> janha cjin na carta jihi para nganji jaha ra xo jian ditticaon ra Jesucristo ngain ciudad de Colosas, xo tequininxin ra ngain Dios. Dios, Ndodá na, co Jesucristo, tti chonda cain joachaxin para ixin ján na, sinchenchaon nganji ra, co rrochjá ra tti ĉhjoin que tsonohe ansean ra.

*Pablo nchetseenhe ñao Dios para ixin cain chojni  
que ditticaon Jesucristo*

<sup>3</sup> Are janha na danjo na gracias por ixin jaha ra ngain Dios, Ndodé Jesucristo, cai ntattsán na ñao jehe por ixin jaha ra.

<sup>4</sup> Ixin janha na ndachjenji na na que ixin jaha ra ndoa jian ditticaon ra Jesucristo, co ixin anto rinao ra cain chojní Dios.

<sup>5</sup> Jamé nchehe ra ixin jaha ra chonda ra seguro que Dios jittenchjinha iná vida naroaxin para ixin jaha ra nttiha ngajni. Jaha ra coexinhi ra joichonda ra seguro de ixin mé are coinhi ra tti joajna ndoa, que mé tti jian joajné Jesucristo.

**6** Jehe joajna jiji, tti coinhi ra, co jai chojni nichja na joajna jiji ngoixin mundo, co cain lugar tsje chojni ditticaon na joajna jiji xajeho inchin are jaha ra vitticaon ra desde ngain tiempo que jaha ra coinhi ra que ixin Dios anto rinao chojni co conoha ra que jiji ndoa.

**7** Cain jiji tti jointtacoanha ra Epafras, tti hermano que ján na anto rinao na, co joinchehe xá conixin janha na. Co jehe mé ná jian ninchehe xé Jesucristo para tsjenguijna ra.

**8** Co jehe mé tti joindachjenji na que ixin jaha ra jian ditticaon ra Jesucristo, co ixin anto rinao chó ra.

**9** Mexinxin janha na, desde ngain nchanho que conona na cain jiji, ttinttoaha na de nttsán na ñao Dios para ixin jaha ra, co danchia na Dios que jehe sinttagatsoan ra jian tti jehe rinao, co sinttaquianxin ra cain cosa jian de ixin Espíritu Santo.

**10** Jañá para que jaha ra nchao sinchehe ra inchin jiquininxin ncuhecho chojní Jesucristo. Rrocho que cain tiempo sinchehe ra tti rinao Jesús, co inchin jaha ra sanjo ra ná jian cosecha ngain Jesucristo de cain cosa que jaha ra sinchehe ra. Co cai jaha ra sinchehe ra sigue rrochonxin ra icha co icha de ixin Dios.

**11** Co janha na danchia na que Dios sinttasoji ra conixin tti anto joachaxin que jehe chonda para que nchao tsixinha ra conixin paciencia ngain cainxin cosa tangui co masqui tangui jí, jaha ra rroché ansean ra ixin tsixinha ra ngain cain mé.

**12** Co jaha ra danjo ra gracias ngain Dios ixin jehe tti jointtajian na para sayé na parte ngain

tti rrochjé chojní jehe que čhji ngain joadingasán, rročho tti chojni que chonxin jian de ixin jehe.

<sup>13</sup> Dios vinttjanxin na de ngain joachaxín tti naxin xehe, rročho que vinttjanxin na de ngain tti jianha, co jehe chjá na jai parte ngain tti ttetonha Xenhe que jehe anto rinao.

<sup>14</sup> Co Xenhe ndavenhe Xan de nganito cruz, jamé para cjoenga Xan hna cainxin tti jianha que jointtoho na, co jamé Dios jointtatjañá na cain tti jianha mé.

*Ján na anto čhjoin tonoa na ngattoxon con Dios  
ixin ovenhe Jesucristo para ixin ján na*

<sup>15</sup> Jehe ni čhoha dicon ni Dios, pero jehe goan ná xí co joí ngataha nontte para que chojni nchao vatsoan na jehe Dios. Co jehe mé joiconhe are concjihí Cristo, tti Xenhe Dios, co jehe Cristo ovehe icha saho de que cain cosa que jí rroconchjian.

<sup>16</sup> Co de ixin jehe Cristo, Dios joinchechjian cain cosa que jí ngajni co nttihi ngataha nontte. Cosa que čhoha dicon ni conixin cosa que nchao dicon ni, Dios joinchechjian cain por ixin Cristo. Cai de ixin Cristo Dios joinchechjian cain tti ángel que ttetonha nttiha ngajni. Cain mé conchjian de ixin jehe co para ixin jehe.

<sup>17</sup> Cristo ovehe icha saho que cainxin cosa, co jehe tti jinda cain cosa jihi para jian sintte cain cosa.

<sup>18</sup> Co cai Cristo inchin já cain chojni que ditti-caon jehe, co cain chojni mé inchin cuerpoje jehe. Co jehe tti danjo vida ngain cuerpo jihi. Jehe tti saho xechon de ngain tti ndavenhe, co mexinxin jehe tti icha importante de cain chojni.

**19** Co Dios joinao que cain joachaxin que jehe chonda sehe ngain Cristo cai para que Cristo nchao tsetonhe cain cosa.

**20** Co cai joinao Dios que de ixin Cristo, Dios ncheroa cain cosa que jí ngataha nontte, co cain cosa que jí ngajni. Co jihi joinchehe are Cristo ndavenxin nganito cruz para ixin ján na.

**21** Are saho jaha ra vechonxinha ra de ixin Dios, co vintte ra inchin ningaconhe Dios ixin vañaxaon ra co vanchehe ra tsje cosa jianha ngat toxon con jehe. Pero jai Dios jointtaroa para que nchao tsonchienhe ra ngain jehe.

**22** Mexinxin Dios rroanha Jesucristo para ndavenhe de ngain cuerpo que jehe vechonda are jehe vacji nttihi ngataha nontte. Jamé joinchehe Dios para que jaha ra nchao tsonchienhe ra ngat toxon con jehe inchin chojni que jiquininxin para ixin jehe, que xonhi mancha ni cosa jianha chonda ra ngain ansean ra.

**23** Pero para que sintte ra jamé jaha ra chonda ra que sintte ra inchin ná nttá que jingattjen soji ixin nihnga jiñavá noehe ntta, rročho ixin chonda ra que sinchehe ra sigue de jian sitticaon ra, co sinchehe ra sigue de sitticaon ra que ixin Dios seguro rrochjá ra iná vida naroaxin inchin ndačho tti jian joajna que jaha ra coinihi ra. Co joajna jihi tti jinichja chojni cainxin parte de mundo, co jianha Pablo na ttjenguijna chojni para dindačhjan na joajna jihi.

*Pablo ná ninchehe xé Dios para ttjenguijna chojni que ditticaon Jesucristo*

**24** Co jai janha chahna de ngain tti tangui que tonna por ixin jaha ra, ixin mé rročho ixin rroxette de ngain cuerpona tti ḫa ditján de cain tti tangui inchin conhe Cristo para cjoenguijna na cain jána, ḫo inchin cuerpoje jehe Cristo.

**25** Janha ttjenguijna cain chojni que ditticaon Cristo. Dios chjana ḫa jihi para que janha ttjenguijna jaha ra ixin ḫa mé ḫa de sindattjo ra ngoixin tti jian joajné jehe.

**26** Co joajna jihi, mé tti Dios vechonda jima sé tiempo are icha saho. Pero jai Dios cjoago joajna jihi ngain chojní jehe.

**27** Dios joinao joinchenohe chojni tti anto rentte co jian palabra que chonda jehe joajna que vema jihi. Co mé para ixin chojni inchin jaha ra que jeha judío ra. Co tti vema jihi, rročho que Cristo jí nganji jaha ra co de ixin jehe, jaha ra seguro rrochonda ra gloria que jehe ndačho.

**28** Mexinxin janha na ndattjan na cain chojni de ixin Cristo. Janha na chjé na consejo cain chojni de ixin Jesucristo, co nttacoán na cain na de ixin jehe para que cainxin na tsinxin na jian de ixin jehe co para que rrochonxin na tsje de ixin Cristo.

**29** Mexinxin janha rrinttaha ḫa jihi conixin cainxin fuerza co cain joachaxin que chjana Cristo.

## 2

**1** Janha rinaho que jaha ra tsonoha ra que janha anto tsje nttiha nttsásán ñao Dios que jéhe tsančhjandaha ra ngain tti jianha. Co cai nttsásán ñao Dios para cain nite ngain Laodicea co cai para

ixin cainxin chojni que janha ḫa ḫonhi tiempo joitsjá.

<sup>2</sup> Janha danchiá Dios que cainxin ra soan ra animado ngain ansean ra, co ixin Cain ra sinao chó ra, co anto rrochonda ra confianza ngain Dios ixin tsinxin ra icha jian. Jamé para que jaha ra jian satsoan ra Cristo, tti are saho vehe jimao, pero jai Dios tjago ngain cain chojni.

<sup>3</sup> Co de ixin Cristo jáñ na nchao tsinxin na cotonoa na cain cosa de ixin Dios. Co mé tti anto rentte que jí ngain Jesucristo.

<sup>4</sup> Cain jiji rrindattjo ra jaha ra para que ḫonhi chojni sinttayaha ra conixin palabra čhjoin que ndoaha.

<sup>5</sup> Masqui janha coha na nganji ra, pero janha anto rriḥaxanho de ixin jaha ra, co anto chahna ixin nona que anto čhjoin ditticaon chó ra, co ixin anto jian ditticaon ra Jesucristo.

<sup>6</sup> Mexinxin jañá inchin jaha ra icha saho coexini ra vitticaon ra Cristo, tti chonda cain joachaxin; jañá cai cain ra chonda ra que sinchehe ra sigue sinchehe ra inchin jehe rinao.

<sup>7</sup> Jamé ditticaon ra jian ngain Cristo inchin ná ntta que nihnga jixavá noehe ntta co soji jingattjen ntta. Co inchin cocoanha ra, cainxin tiempo danjo ra gracias ngain Dios.

### *Tti vida naroaxin de ngain Cristo*

<sup>8</sup> Ttjiho ra cuidado, co dittoaxinha ra nchehe ra inchin sinao tti chojni que rinao sinttayaha ra para sinchehe ra inchin jehe na teḥaxaon na que mé jeha ndoa. Chojni mé chondaha na confianza

ngain Cristo; jeho chonda na confianza ngain costumbré chojni nttihi ngataha nontte, co ngain tti xaxaon cain chojni de ixin cain cosa que jí nttihi.

<sup>9</sup> Cain tti ndoa co cain joachaxin que chonda Dios, cain mé jí cai ngain cuerpo Cristo.

<sup>10</sup> Co cain mé jí nganji ra jaha ra cai ixin jaha ra conixin Cristo te ra inchin nacoa chojni. Co jehe tti ttetonhe cain espíritu que ttetonha nttiha ngajni co nttihi ngataha nontte.

<sup>11</sup> Cai ixin jaha ra te ra ngain Cristo, rročho que Cristo ochjá ra tti xohe que dinki circuncisión, pero mé jeha xohe de ngain cuerpoa ra inchin chonda nijudío. xohe que jaha ra chonda ra, mé de ngain ansean ra ixin Cristo tti cjoenguijna ra para que tti rinao cuerpoa ra ixonhi joachaxin chonda nganji ra. Jihí rročho tti xohe que ttixin de ngain Cristo.

<sup>12</sup> Are jaha ra joiguitte ra de ngain jinda, mé rročho que jaha ra xavá ra conixin Jesucristo, co jamé cai xechon ra conixin jehe ixin vitticaon ra ngain joachaxín Dios que joinchexelon Jesucristo.

<sup>13</sup> Are icha saho jaha ra espiritu ra inchin ondavenhe de ixin cain tti jianha que vanchehe ra co ixin chondaha ra tti xohe que dinki circuncisión ngain cuerpoa ra. Pero jai Dios ojointatjañaha ra cain tti jianha que vanchehe ra co ochjá ra vida naroaxin ngain Jesucristo.

<sup>14</sup> Ley que vehe are saho ndačho ixin jáñ na tequininxin na tsji na infierno ixin jointtoha na inchin jitaxin ley mé. Pero cain tti teca na are mé Dios joinchetjañehe are Cristo ndavenhe nganito cruz.

<sup>15</sup> Jesucristo are jehe ndavenxin nganito cruz, jehe joacha ngain inchínji co cain icha espíritu jianha que vechonda joachaxin. Cottimeja jehe savicao cain espiritue xijianha inchin tti deaxinhi para cjoago ngain cain chojni co ngain cain ángel de Dios ixin jehe joacha.

*Ttjé ra tti chjoin que ttixin de nganji*

<sup>16</sup> Mexinxin ḵonhi chojni chonda derecho de rronichja feo de ixin jaha ra de ixin tti jintte ra o de ixin tti dihi ra, o si nchesayeha ra quiai de chojni judío, masqui quiai que ttí cada nano, o que ttí cada conittjao, o tti nchanho que nchejogaha chojni cada semana. Icha saho que joí Cristo, chojni judío vitonhe de joinchehe cain mé.

<sup>17</sup> Pero cain jihi jeho inchin ná sanho de tti ndoa que joija, co tti mero ndoa, mé Cristo.

<sup>18</sup> Mexinxin jaha ra dittoaxinha ra que sants-jaha ra na tti premio que jaha ra ochonda ra. Rročho que ditticaonha ra chojni que nchehe na inchin chojni humilde co nchesayehe na ángel. Jehe na ndačho na ixin vicon na cosa que ni ndoaha vicon na, co dintteconohe na anto orgulloso de ixin tti jeho na ḵaxaon na.

<sup>19</sup> Chojni mé iteha na ngain Jesucristo, tti tte-tonha ngain cain chojni que ditticaon jehe, co cain niditticaon mé ni inchin cuerpoje jehe, co jehe nclegangui cuerpo mé, co nchesoji cuerpo, co jehe tti jittinhi cuerpo mé cain parte inchin rinao Dios.

<sup>20</sup> Ixin jaha ra ditticaon ra Jesucristo, mé rročho que jaha ra ndavenhe ra conixin jehe, rročho que jaha ra isincheha ra cain tti ḵaxaon chojni

nttihi ngataha nontte. Mexinxin, ¿quedonda jaha ra ḫa ncuhehe ra inchin ncuhehe cain chojni co ḫa ditticaon ra cain costumbré na?

<sup>21</sup> Inchin ná ejemplo, jehe na ndačho na: “Cateha ra cosa jihi, ni jintteha ra cosa jiha, ni tseha ra cosa yá ngá rá ra.”

<sup>22</sup> Cain costumbre jihi jeho para ngain cosa que atto daca ndattjexin, co cain costumbre jihi jeho tti ttetonha chojni, co tti jehe na tjago na.

<sup>23</sup> Ján ndoa que cainxin costumbre mé chojni tonohe na que anto importante ixin costumbre mé ttetonha ngain na ixin jañá jiquinixin sinchesayehe ni Dios ixin ni sintteha ni orgulloso co ixin sinchecastigá ni cuerpoe ni, pero cain mé ttjenguijnahá ni para sachá ni ngain tti jianha que rinao cuerpoe ni.

### 3

<sup>1</sup> Jai jaha ra oxechon ra conixin Cristo, mexinxin ḫaxaon ra cosa que ttixin de ngajni tti ttjen Cristo lado jian de Dios.

<sup>2</sup> ḫaxaon ra cosa de ngajni; ḫaxaonha ra cosa jianha de nttihi ngataha nontte.

<sup>3</sup> Jai jaha ra ncuheha ra inchin vanchehe ra are saho, co mé rročho ixin ndavenhe ra conixin Cristo co jai Cristo jittenchjianha ra vidá ra ngain Dios.

<sup>4</sup> Jehe Cristo mismo mé chjá na jai tti vida jian que chonda na, co are jehe rrocjan tsí iná, cottimeja jaha ra tsononxin ra conixin jehe co rrochonda ra parte ngain tti ttetonha jehe.

*Tti vida que vechonda na icha saho co tti vida naroaxin que chonda na jai*

**5** Mexinxin jaha ra nchetján ra cain cosa jianha que jí nganji ra, rročho cosa jianha de ngataha nontte jíhi: rročho que xonhi ra tsontaonxin ra iná nčhí que jeha čhiha ra, ni ncheha ra cosa jianha, ni ncheha ra inchin rinao cuerpoa ra co inchin tti jianha que jaha ra xaxaon ra, co ni dint-teha ra ambicioso ixin chojni ambicioso xajeho inchin tti nchesayehe ídolo.

**6** Ixin chojni que tenchehe na cain cosa jíhi rrochonda tti anto soji castigoe Dios ixin chojni mé tti ncheha inchin ttetonha Dios.

**7** Co jaha ra cai vanchehe ra cain jíhi are icha saho.

**8** Pero jai ttinttohe ra de toňaohe chó ra, de ttetocoho chó ra, de nchehe ra cosa jianha, de ttjehe ra chijni iná chojni, co de nichja ra palabra feo.

**9** Nchechjienha chó ra mentira ná ra co iná ra, ixin jaha ra ojoinchexantte ra vidá ra que joichonda ra are saho de ngain cain cosa jianha que vanchehe ra.

**10** Co jai chonda ra iná vida naroixin, co Dios jinttajian ra icha co icha para que jaha ra sintte ra inchin jehe rinao co para que jaha ra rrochonxin ra jian cainxin de ixin jehe.

**11** Para ixin Dios, ijeha importante si ján na judío na o ni nahi, ni si chonda na tti xohe que dinki circuncisión o ni nahi, ni si ján na joixin na de ngain ojé nontte o ni nahi, ni si chonxin na xón o ni nahi, o ni si esclavo na o ni nahi; para ixin Dios jeha importante cain mé, sino que Cristo jeho mé tti importante, co jehe tti jí ngain cainxin chojní jehe.

**12** Dios anto rinao jaha ra co jehe ocoinchiaha ra para que sintte ra chojní jehe. Mexinxin jaha ra dintte ra jian; rročho ttiaconoehe chó ra, co ditticaon chó ra, co tonoaha ra ixin jaha ra anto importante ra, co dintte ra amable, co chonda ra paciencia.

**13** Chondehe chó ra paciencia ná ra co iná ra, co nchetjañehe chó ra naná ra are chonda ra problema. Jañá inchin Cristo jointtatjañaha ra, jañá ncuhehe ra jaha ra cai.

**14** Pero tti icha importante de cainxin cosa yá, que jaha ra anto sinao chó ra, ixin jamé rroxett-jaxin cain tti jian que ncuhehe ra co sintte ra inchin nacoa chojni.

**15** Co dittoaxin ra que tti čhjoin que Dios ttín ngain ansean ra, que mé tsetonha ra. Ixin mé tti coetonha Dios jiquininxin sinchehe ra jaha ra xo inchin nacoa cuerpo para ixin jehe. Co danjo ra gracia ngain ixin cain mé.

**16** Que joajné Jesucristo rrocaon de ngain ansean ra. Co nchecoenhe chó ra joajna jíhi co ncheinamá chó ra ná ra co iná ra conixin jian joarrixaon. Co tsje ra canxin Salmo, co himno, co coro; jamé danjo ra gracias ngain Dios de ngain ansean ra.

**17** Quexeho cosa que sinchehe ra o rrondačho ra, pero ncuhehe ra conixin nombré Jesucristo, tti chonda cain joachaxin, co are mé danjo ra gracias de ixin jehe ngain Dios Ndodá na, ixin Cristo cjoenguijna na.

*Quexén jiquininxin sintte cain chojni que oditti-caon Jesucristo*

<sup>18</sup> Jaha ra xo nchí ra que otecoho ra xixiha ra chonda ra que sitticaon ra tti tsetonha ra xixiha ra ixin jihu tti jiquininxin sinchehe jaha ra xo oditticaon ra Cristo.

<sup>19</sup> Co jaha ra xo xí ra, que otecoho ra nchichiha ra, rinao ra nchá co xonhi tiempo ttetocoho ra nchá.

<sup>20</sup> Co jaha ra xo xannchinnchinchjan ra ditticaon ra ndodá ra co janná ra cain tti tsetonha ra na ixin jihu tti ncheoxinhí Jesucristo.

<sup>21</sup> Co jaha ra xo ondodaha ra de ngain chjan, ncheñaoha ra xanha ra para que jehe xan soanha xan desanimado.

<sup>22</sup> Co jaha ra xo nchehe ra xa ngain ninajni, ditticaon ra nchehe ra cain tti tsetonha ra ninajnia ra nttihi ngataha nontte, co jeoha are jehe na tatetsjehe na nganji ra para que jaha ra sittoaxin ra jian ngain na, sino que jaha ra cain tiempo nchehe ra jian ngain xé na ixin jaha ra xagonhe ra Dios.

<sup>23</sup> Quexeho cosa que jaha ra sinchehe ra, pero que nchehe ra conixin jian ansean ra inchin rrojinchehe ra xé Cristo co nahi xé chojni.

<sup>24</sup> Jaha ra onoha ra que Jesucristo rrochjá ra inchin ná premio tti vida naroaxin que sayehe ra, ixin jaha ra tenchehe ra xé Cristo ixin jehe tti mero xinajnia ra.

<sup>25</sup> Pero xo sinchehe ra jianha, jamé rroxengaha ra hna de tti jianha que jaha ra sinchehe ra; co para ixin Dios xonhi chojni icha jian o icha rentte que iná; cain na xajeho na.

## 4

<sup>1</sup> Co jaha ra xo najni ra chonda ra que sintte

ra jian co nchehe ra inchin jiquininxin ngain nichehe xá ra. xaxaon ra que cai jaha ra chonda ra ná Xinajni que ttjen ngajni.

<sup>2</sup> Nchehe ra sigue nchecoanxini ra Dios co danjo ra gracias, pero xaxaon ra jian quehe rronichja ra.

<sup>3</sup> Nchetsenhe ra ñao Dios cai por ixin janha na para que jehe rrochjana na jian oportunidad de rronichja na joajné jehe, co de rrondattjan na icha chojni tti conhe Jesucristo para cjoenga hna cain tti jianha que jointtoho na, que mé inchin ná cosa jima para ixin jehe na. Co jai janha rriaxinna ixin ndattjan chojni cain jihi.

<sup>4</sup> Nchetsenhe ra ñao Dios para que janha jian sinttaquianxin chojni de ixin jihi inchin jiquininxin sinttaha.

<sup>5</sup> Dintte ra chojni jian para ngain tti chojni que ditticaonha Jesucristo co ncwegonda ra cain oportunidad para ndache ra na de ixin Jesucristo.

<sup>6</sup> Are rronichja ra ngain chojni mé chonda que cain tiempo rronichja ra jian para que jehe na sincheoxoxini na co chonda ra que tsonoha ra quehe rrondache ra cada chojni que sanchian-guiha ra de ixin Jesucristo.

### *Nttihi joexinxin carté Pablo*

<sup>7</sup> Tíquico, que mé hermanoa na que anto rinao na, jehe mé cain tiempo anto ttjenguijna icha chojni que ditticaon Jesucristo, co cai ttjenguijna na janha cai de tenttaha na xé Jesucristo. Jehe Tíquico tti rrondattjo ra cain tti jitonna janha, co cain tti rrinttaha.

<sup>8</sup> Mexinxin janha rrrorroanha jehe Tíquico nganji ra para rrondattjo ra quexén te na janha na nttihi co para que sinttanímá ra de ngain Jesucristo.

<sup>9</sup> Jehe Tíquico sijicaho Onésimo que jehe Onésimo cai ná hermano que anto rinao na co tti anto ditticaon Jesucristo. Co jehe Onésimo mé joixin de ngain rajná ra. Cayoi jehe chojni jihí tti rrondattjo ra cain tti jitonhe nttihi.

<sup>10</sup> Aristarco, xicompañerona nttihi ngain cárcel rroanha xa joajna nganji ra cai, co cai Marcos, xiprimoe Bernabé rroanha xa joajna nganji ra. Jaha ra onoha ra de ixin jehe Marcos, co si jehe siji sitsjaha ra, dayehe ra jian.

<sup>11</sup> Cai Jesús, tti jehe cai dinki Justo, rroanha joajna nganji ra cai. De cain chojni judío que ditticaon Jesucristo, jeho tti ní chojni yá tti tet-tjenguijna na janha de tenttaha na xá para ixin Dios. Co jehe na anto jie consuelo cjoí na para ixin jaha.

<sup>12</sup> Epafras cai rroanha joajna para ixin jaha ra, jehe cai ná ninchehe xé Jesucristo, co jehe cai joixin de ngain rajná ra. Jehe Epafras cain tiempo que jehe nchecoanxinhi Dios, jehe anto nchetseenhe ñao Dios para ixin jaha ra, para que jaha ra cain tiempo jian sitticaon ra Dios, co de rroñanjo ra jian de sinchehe ra inchin rinao Dios.

<sup>13</sup> Ixin janha nona quexén Epafras anto xaxaon de ixin jaha ra, co cai jehe anto xaxaon de ixin cain chojni que ditticaon Jesucristo que te ngain ciudad de Laodicea co ciudad de Hierápolis.

<sup>14</sup> Lucas, tti xincheñoan que jáñ na anto rinao na, conixin Demas, cayoi chojni mé cai rroanha na joajna para ixin jaha ra.

**15** Noyá chjehe ra joajna cain chojni que ditticaon Jesucristo, tti nite ngain ciudad de Laodicea. Cai chjehe ra joajna Ninfas conixin cain chojni que ditticaon Jesucristo, tti niñatte nittiha ngain nchiandoha jehe Ninfas para servicioe na.

**16** Cain jaha ra are tsjexin tsinhi ra quehe jicho carta jihi, cottimeja rroanha ra carta para ngain nihngo que jí ngain Laodicea para que nttiha cai cain chojni que ditticaon Jesucristo tsinhi na quehe jitaxin carta jihi, co cai jaha ra tsjehe ra quehe jitaxin cartana que sijixin de nihngo que jí ngain Laodicea.

**17** Ndache ra Arquipo que ndachjan janha que tsinttoeha de sinchehe tti xa que Dios joanjo ngain jehe.

**18** Janha Pablo na, rricjinha ra parte jihi conixin rana co letrana. xaxaon ra que janha jiaxinna jai ngain cárcel. Que Dios sinttanchaon ra. Amén.

**Tti jian joajn   Jesucristo  
New Testament in Popoloca, San Marcos Tlalcoyac  **

copyright © 1982 Wycliffe Bible Translators, Inc.

Language: San Marcos Tlalcoyac   Popoloca (Popoloca, San Marcos Tlalcoyac  )

Translation by: Wycliffe Bible Translators, Inc.

Popoloca, Tlacoayac   [pls], Mexico

**Copyright Information**

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Popoloca, San Marcos Tlalcoyac  

**© 1982, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

---

PDF generated using Haiola and XeLaTeX on 18 Apr 2025 from source files  
dated 29 Jan 2022

a23ba35e-b016-5f67-a705-694e460cf18a